



**Claudii Fleurii Abbatis Historia Ecclesiastica**

Ab anno Christi 1606. usque ad annum 1610

**Fleury, Claude**

**August. Vind. [u.a.], 1776**

**VD18 90118820**

§. 44. Alberici Gentilis & Philippi Nicolai fata.

---

[urn:nbn:de:hbz:466:1-67222](#)

Pontificem relata die vigesima septima Sæc. XVII.  
 Augusti anno Domini millesimo sexcen- A. C. 1608.  
 tesimo septimo Breve Apostolicum, quod  
 incipit: *Religiosorum sub suavi obtinuit,*  
*vi cuius declaratum, Religiosos hac in*  
*re esse hodie dum exemptos: Magis au-*  
*tem sese de republica Literaria bene me-*  
*ritum reddidit, dum celeberrimum &*  
*classicum opus seu Commentarium in*  
*Psalmos Davidis diu sub nomine Authoris*  
*incogniti cognitum vero suo Authori*  
*Michaeli Ayguano de Bononia Ordinis*  
*Carmelitani Magistro auctoritate & jus-*  
*su Clementis VIII. vindicabat, additis*  
*quibusdam, quæ in Anthographo dicti*  
*Authoris reperiebantur: Illustrabat quo-*  
*que novam hanc editionem pereleganti*  
*Præfatione ad lectorem. Scripsit etiam*  
*Basilius orationem in solennitate Beati*  
*Vincentii, præter sermones alios, collatio-*  
*nes Sacras, & Sectiones Philosophicas æque*  
*ac Theologicas. Exstant quoque duo il-*  
*lius libelli supplices ad Paulum V. Pon-*  
*tificem gravi stylo elaborati.*

#### §. XLIV.

*Alberici Gentilis & Philippi Nicolai*  
*fata.*

Ex Lutheri aseclis, quibus mors hoc *Voetius Po-*  
 anno calamum excussit, primo loco *lit. Eccl. t. 2.*  
 recensendus venit Albericus Gentilis,  
 Aa 3 qui *pag. 171.*

Sæc. XVII. qui Anconæ celeberrima ditionis Post  
A. C. 1608. tificiæ urbe anno Christi millesimo quin-  
gentesimo quinquagesimo nobili ex ge-  
nere natus erat. Hic Patrem habuit  
Matthæum Gentilem celebrem Medi-  
cum, qui tamen ob Lutheri sectam, cui  
nomen dederat, unacum prolibus suis  
patria excedere, ac Carniolam confugere  
cogebatur: ejus tamen Filius Albericus  
in Italiæ reversus Perusia juris Lau-  
rea decoratus, Asculitanus Prætor no-  
minabatur; cum autem sectæ suæ ve-  
nenum simulatione haud diutius tegere  
posset, inde Wirtembergam ad Ludo-  
vicum Ducem contendit, paulo post in  
Angliam profectus, ubi Oxoniæ Pro-  
fessor jurisprudentiæ civilis, necnon  
perpetuus Hispanorum Protestantium  
in Anglia degentium Caussidicus nomi-  
natus est, tandem vero die decima no-  
na Junii Londini extrellum obiit diem.  
Exstant varia ipsius opuscula, inter quo  
ceteris eminent ejus tractatus, *de vi ci-  
vium in Regem semper injusa*: com-  
mandantur etiam ejus lucubrations de  
legationibus, de advocatione Hispaniæ, de  
nuptiis, de juris interpretibus, de armis  
Romanis, necnon ejus commentarius ad  
titulum Codicis de maleficis: Pariter cala-  
num suum acriter exercuit Philippus  
Nicolai editis multis opusculis contra  
Calvinistas & Catholicos: Scripsit etiam

Histo-

Historiam Regni Christi, & Theatrum Sæc. XVII.  
vitæ æternæ: Erat in controversiis ni- A. C. 1608.  
mium acerbus, & tandem decessit die vi-  
gesima sexta Octobris Hamburgi ad S.  
Catharinam.

## §. XLV.

*Caspar Ulrici & Czechovicius  
mortui.*

Ejusdem fati ac sectæ socius erat Caspar *Becman* Ulrici, qui die vigesima prima *Arch. hist.* Februarii anno Incarnationis Dominicæ millesimo quingentesimo quinquagesimo octavo die vigesima prima Februarii Munnerstadii Heripolensis Ducatus oppido exiguae admodum fortunæ Parentibus, Catholicis tamen ortus est, unde non modo sibi sed & Patri Matrique suæ victum ex eleemosynis querere cogebatur, ingenii tamen sui felicitate ac studiorum profectu tantopere se commendabat, ut primo Gymnasii Servestani Con-Rector postea sub Christiano. I. Castrensis Praeco, ac denique Superintendentis, ut vocant, nominaretur: obiit Servestæ die decima octava Septembris, vel ut alii volunt, Decembris: Edidit ementito nomine *Irenæi Palæi* idiomate Germanico utiles considerationes de vitiis & caussis, ob quas a Lutheri & Zwinglii temporibus maxime scandalosa dissidia etiam-

Aa 4

num